

## UGOVOR

o pružanju usluga zakupa TV oglašavanja za potrebe promocije javnog poziva za korisnike Modela poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje) (Model EE)

### UGOVORNE STRANE:

1. Sarajevska regionalna razvojna agencija SERDA d.o.o. Sarajevo, ul. Kolodvorska 6, koju zastupa Ševkija Okerić, direktor, (u daljem tekstu Ugovorni organ) i
2. JP „Televizija Kantona Sarajevo“ d.o.o., Sarajevo, ul. Bulevar Meše Selimovića br. 12, koju zastupa Duška Jurišić, direktor, (u daljem tekstu: Pružalac usluga),

### I PREDMET UGOVORA

#### Član 1.

Ovim Ugovorom Ugovorni organ naručuje, a Pružalac usluga se obavezuje da za potrebe Ugovornog organa realizira oglašavanje za potrebe promocije javnog poziva za korisnike Modela poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje) i to: emitovanje TV spota o modelu EE u trajanju od 28 sekundi (2 puta dnevno u trajanju u periodu od 15 dana) i 20 sekundi (2 puta dnevno u trajanju u periodu od 45 dana), u skladu s Javnim pozivom.

#### Član 2.

Pružalac usluga se obavezuje da realizaciju zadatka iz prethodnog člana izvrši u skladu s ovim Ugovorom i Ponudm Pružaoca usluga broj: 01-458/21 od 04.03.2021. godine

### II UGOVORNA CIJENA

#### Član 3.

Ugovorenu cijenu čine usluge iz člana 1. ovog ugovora i to:

- ukupna vrijednost bez PDV-a iznosi 9.924,00 KM (slovima: devethiljadadevetstodvadesetčetiri i 00/100 KM),
- popust: 3.969,60 KM (slovima: trihiljadadevetstotinašesdesetdevet i 60/100 KM),
- ukupna vrijednost sa popustom, bez PDV-a: 5.954,40 KM (slovima: pethiljadadevetstotinapedesetčetiri i 40/100 KM),
- ukupna vrijednost za ugovor sa popustom i PDV-om iznosi: 6.966,65 KM slovima: šesthiljadadevetstotinašesdesetšest i 65/100 KM).

U ugovornu cijenu uračunati su svi pripadajući troškovi.

### III NAČIN PLAĆANJA

#### Član 4.

Plaćanje za usluge iz člana 1. ovog Ugovora će se izvršiti na sljedeći način:

- plaćanje putem transakcijskog računa pružaoca usluga broj: 3386902215316670 kod UniCredit bank d.d.,
- plaćanje pružaoca usluga će biti izvršeno po izvršenju usluga iz člana 1. ovog Ugovora a u skladu sa Media plan emitovanja koji je sastavni dio Ugovora.
- Po izvršenju usluga, Pružalac usluga je dužan ispostaviti fakturu. Rok plaćanja je 15 dana od dana izdavanja fakture.

#### **IV POČETAK, ROK ZAVRŠETKA I MODIFIKACIJA UGOVORA**

##### **Član 5.**

Pružalac usluga će s izradom zadatka predviđenog ovim Ugovorom početi danom zaključenja ovog ugovora.

Pružalac usluga se obavezuje da će zadatak koji je predmet ovog Ugovora završiti u roku do 30.04.2021. godine.

Za svaku sedmicu zakašnjenja u realizaciji zadatka, Pružalac usluga se obavezuje da će, na ime ugovorne kazne, platiti Ugovornom organu **1%** vrijednosti Ugovora, s tim da tako obračunata ugovorna kazna ne može preći **5%** ukupne ugovorne cijene.

##### **Član 6.**

Modifikacija rokova i uvjeta ovog Ugovora, uključujući bilo koju modifikaciju Ugovora i opsega usluga, može biti sačinjena samo pismenim sporazumom između ugovornih strana.

#### **V OBAVEZE PRUŽAOCA USLUGA**

##### **Član 7.**

Pružalac usluga se obavezuje da će :

- emitovati promotivne spotove, u skladu sa predhodno utvrđenim i ovjerenim Media planom
- po potebi učestvovati u doradi promotivnih spotova i drugih grafičkih vizuala (letvice, krolovi, telopi i sl),
- omogućiti gostovanje u emisijama,
- dostaviti fakture za pružene usluge.

#### **VI OBAVEZE UGOVORNOG ORGANA**

##### **Član 8.**

Ugovorni organ se obavezuje da će :

1. dostaviti materijal za oglašavanje, najmanje 48 sati prije dana emitovanja: putem e-maila, ili na CD-u, DVD-u, DVCAM-u ili Beta traci, a u skladu sa slijedećim tehničkim specifikacijama: za emitovanje promotivnog spota:
  - dostavi grafičku pripremu u vektorskom formatu (AI ili COREL) ili spot u TV rezoluciji PAL 720x576 formata (avi, vob,mpeg, mov).
2. Suradivati pri konsultacijama, planiranjima i izradi mjesečnih media planova.
3. Obezbjedi učešće gostiju u gostovanjima posvećenim Modelu EE.
4. Izvršiti uplatu na način utvrđen u članu 4. ovog Ugovora.

## **VII POVJERLJIVOST**

### **Član 9.**

Pružalac usluga, njegovi eventualni podizvršioци i njihovo osoblje ne mogu za vrijeme trajanja ovog Ugovora, kao i nakon prestanka njegovog važenja, objaviti ikakvu povjerljivu informaciju koja se odnosi na ovaj Ugovor ili poslovanje Ugovornog organa, bez prethodne pismene saglasnosti Ugovornog organa.

## **VIII PRAVO UGOVORNOG ORGANA DA PREKINE REALIZACIJU ZADATKA**

### **Član 10.**

Ukoliko u toku izvršenja usluga Ugovorni organ ustanovi da neće dobiti rezultate kakve je očekivao, Ugovorni organ zadržava pravo da prekine dalju realizaciju zadatka, o čemu je dužan pismeno obavijestiti Pružaoca usluga.

U slučaju iz prethodnog stava Pružalac usluga ima pravo na naknadu samo onih troškova, koje je, prema obavezama predviđenim ovim Ugovorom, imao do faze prekida realizacije zadatka.

## **IX VIŠA SILA**

### **Član 11.**

Za svrhe ovog Ugovora, pod višom silom podrazumijeva se događaj koji je izvan razumne kontrole bilo koje ugovorne strane i koji dotičnu stranu onemogućava u izvršenju svojih ugovornih obaveza.

### **Član 12.**

Nemogućnost bilo koje ugovorne strane da ispuni bilo koju od svojih ugovornih obaveza neće se smatrati raskidom ugovora ili neispunjavanjem ugovorne obaveze, ukoliko se takva nemogućnost pojavi usljed djelovanja više sile, s tim da je ugovorna strana koja je pogodena takvim događajem:

- preduzela sve razumne mjere predostrožnosti, potrebnu pažnju i razumne alternativne mjere, kako bi izvršila svoje obaveze u rokovima i pod uvjetima iz ovog Ugovora,
- informirala drugu ugovornu stranu u roku 24 (dvadeset četiri) sata o pojavi takvog događaja i preduzetim mjerama na otklanjanju štetnih posljedica dejstva više sile.

## **X RASKID UGOVORA OD UGOVORNOG ORGANA**

### **Član 13.**

Ugovorni organ može jednostrano raskinuti ovaj Ugovor, putem pismene obavijesti o raskidu upućene Pružaocu usluga, nakon nastanka bilo kojeg od sljedećih događaja:

- ako Pružalac usluga ne popravi grešku u izvršenju svojih ugovornih obaveza u roku 10 dana od dana naloga Ugovornog organa za ispravljanje greške ili u roku bilo kojeg daljnjeg perioda, kojeg Ugovorni organ može naknadno, pismeno odobriti;
- ako Pružalac usluga postane nesolventan, padne pod stečaj ili iz drugih sličnih razloga onemogućiti ili dovede u pitanje realizaciju Ugovora;

- ako, kao rezultat više sile, Pružalac usluga postane nesposoban za izvršenje ugovornih obaveza za period duži od 30 dana;
- ako Pružalac usluga ne otkloni primjedbe ovlaštenog predstavnika za praćenje realizacije Ugovora ili drugog stručnog organa ili lica koje imenuje Ugovorni organ.

U slučaju iz prethodnog stava Ugovorni organ zadržava pravo na naknadu štete koju je pretrpio usljed raskida Ugovora krivicom Pružaoca usluga.

Otkazni rok za slučajeve iz prethodnog stava traje 15 dana od dana upućene pismene obavijesti o raskidu Ugovora.

#### **Član 14.**

U slučaju raskida Ugovora, Pružalac usluga je dužan bez odlaganja predati Ugovornom organu sve do tada prikupljene podloge, informacije i dokumentaciju u stepenu gotovosti na dan raskida Ugovora, a Ugovorni organ izmiriti do tada dospjele neizmirene obaveze prema Pružaocu usluga.

### **XI RASKID UGOVORA OD PRUŽAOCA USLUGA**

#### **Član 15.**

Pružalac usluga može jednostrano raskinuti ovaj Ugovor, putem pismene obavijesti o raskidu upućene Ugovornom organu, nakon nastanka bilo kojeg od sljedećih događaja:

- ako Ugovorni organ ne izmiri svoju obavezu isplate ugovorne cijene u roku od 15 dana od dana dospjeća;
- ako, kao rezultat više sile, ne bude u stanju izvršiti svoje ugovorne obaveze za period duži od 30) dana.

Otkazni rok u slučaju jednostranog raskida Ugovora od Pružaoca usluga traje 30 dana od dana upućene pismene obavijesti o raskidu Ugovora.

#### **Član 16.**

U slučaju raskida Ugovora, Pružalac usluga je dužan bez odlaganja predati Ugovornom organu sve do tada prikupljene podloge, informacije i dokumentaciju u stepenu gotovosti na dan raskida Ugovora, a Ugovorni organ izmiriti do tada dospjele neizmirene obaveze prema Pružaocu usluga.

### **XII RJEŠAVANJE SPOROVA**

#### **Član 17.**

Ugovorne strane će uložiti maksimalne napore da sporazumno, u duhu dobrih poslovnih odnosa i uzajamnog povjerenja, riješe sve eventualne sporove koji se pojave u vezi s ovim Ugovorom ili njegovom interpretacijom.

U slučaju da se spor između ugovornih strana u vezi s ovim Ugovorom ne može sporazumno riješiti, spor će se povjeriti na rješavanje stvarno nadležnom sudu u Sarajevu.

### XIII TAKSE I DRUGE DAŽBINE

#### Član 18.

Sve poreze, takse, dažbine i druge troškove koji nastanu tokom realizacije ovog Ugovora, koji nisu uključeni u ugovornu cijenu, a predviđeni su važećim zakonima, snosi Pružalac usluga.

### XIV OBAVEZNOST PISMENE FORME

#### Član 19.

Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

#### Član 20.

Sva obavještenja, zahtjevi ili pristanci, načinjeni u saglasnosti s ovim Ugovorom, bit će u pismenoj formi i smatrat će se da su sačinjene onda kada su poslate drugoj ugovornoj strani ili ovlaštenom predstavniku te ugovorne strane, putem preporučene pošte ili telefaksom.

#### Član 21.

Ovlašteni predstavnici Ugovornih strana, putem kojih će se vršiti korespodencija po ovom Ugovoru u svim njegovim fazama i elementima su:

Duška Jurišić, direktor JP „Televizija Kantona Sarajevo“ d.o.o., Sarajevo

dr. Ševkija Okerić, direktor SERDA d.o.o., Sarajevo.

### XV STUPANJE UGOVORA NA SNAGU

#### Član 22.

Ovaj Ugovor stupa na snagu danom potpisivanja od ovlaštenih lica ugovornih strana.

### XIX BROJ ORIGINALNIH PRIMJERAKA UGOVORA

#### Član 23.

Ovaj Ugovor sačinjen je u 4 (četiri) istovjetna originalna primjeraka, po 2 (dva) za svaku ugovornu stranu.

Za Ugovorni organ:

DIREKTOR

dr. Ševkija Okerić



Broj: UG-59/21

Datum: 16.03.2021

Za Pružaoca usluga:

DIREKTOR

Duška Jurišić



Broj: 01-598/21

Datum: 19.3.2021. god.